



Broj: 03/1-50-14-7-39-7/17

Sarajevo, 13. 9. 2017.

PREDMET: Informacija o učešću članova ZK za odbranu i sigurnost BiH u radu 8.parlamentarnog sigurnosno-obavještajnog foruma, Riga, 19.6.2017.

Predsjedavajući Zajedničke komisije za odbranu i sigurnost BiH Sifet Podžić i njegov zamjenik Borislav Bojić učestvovali su 19.6.2017. na 8. parlamentarnom sigurnosno – obavještajnom forumu, održanom u glavnom gradu Latvije Rigi.

Na Forumu, koji je održan na poziv člana Kongresa SAD-a i predsjedavajućeg Kongresne grupe za terorizam i nekonvencionalno ratovanje Roberta Pittengera i Parlamenta Republike Latvije, učestvovalo je više od 120 parlamentaraca i eksperata koji se bave pitanjima borbe protiv terorizma, kibernetičke sigurnosti, kao i pitanjem prevencije aktuelnih sigurnosnih izazova.

Tokom razmjene iskustava u vezi s preveniranjem i suprotstavljanjem sigurnosnim izazovima u fokusu su bila pitanja kibernetičke sigurnosti i načini na koje države koordiniraju rad sigurnosnih agencija i drugih subjekata u sektoru sigurnosti s ciljem sprečavanja kibernetičkih napada.

Razgovaralo se i o potrebi sprečavanja pranja novca i finansiranja terorista, kao i o zaštiti banaka i njihovih infrastrukture.

Učesnici konferencije posebno su istaknuli značaj zaštite institucija i državnih interesa u cjelini, kao i odgovornost institucija za preventivno djelovanje protiv potencijalnih izvršilaca terorističkih akata.

Rasprava je tokom Forumu bila usmjerena na saradnju zemalja učesnica na izgradnji mehanizama za prevenciju terorističkih napada, kao i otkrivanja i presijecanja lanaca ilegalne trgovine naoružanjem i vojnom opremom.

Parlamenti zemalja učesnica pozvani su da izrade i usvoje adekvatna zakonska rješenja koja bi omogućila subjektima sektora sigurnosti da sarađuju i razmjenjuju informacije u pravcu prioritetne zaštite svakog građanina. Istaknut je i značaj bilateralne i regionalne parlamentarne saradnje i razmjene iskustava u izradi zakona.

Osim kongresmena Pittengera i predsjednice Parlamenta Latvije Inare Murniece, učesnicima foruma obratili su se i predstavnici sigurnosnih i obavještajnih agencija SAD-a, zemlje

domaćina i zemalja iz okruženja, kao i jedan broj stručnjaka za borbu protiv terorizma, sprečavanje pranja novca i za pitanje kibernetičke sigurnosti.

Predsjedavajući Zajedničke komisije

Sifet Podžić

Dostavljeno:

- naslovu
- a/a